

REGLUGERÐ

um mælingar á vinnslunýtingu um borð í vinnsluskipum.

1. gr.

Mælingar á vinnslunýtingu skulu framkvæmdar um borð í öllum fiskiskipum er vinna eigin botnfiskafra um borð. Mælingar þessar taki til allra kvótabundinna fisktegunda, enda sé afli í veiðiferð yfir þeim mörkum sem í 8. gr. greinir.

2. gr.

Um framkvæmd mælinga vísast til leiðbeininga sem gefnar voru út af sjávarútvegsráðuneytinu í október 1990: Nýtingarmælingar um borð í frystitogurum.

3. gr.

Eftirfarandi nýtinga- og afurðastuðlar eru lagðir til grundvallar við útreikning á afla veiðiskipa sem ekki hafa áunnið sér ákveðna nýtingarstuðla skv. 4.–7. gr.

		Nýtingar- stuðull	Afurða- stuðull
Porskur	– hausaður	70.0	1.428
	– flök, með roði og beinum	44.5	2.247
	– flök, roðflett, með beinum	41.5	2.410
	– flök, roðflett, án þunnilda með beinum	41.5	2.410
	– flök, með roði, beinlaus	40.0	2.500
	– flök, roðflett og beinlaus	37.0	2.703
Ýsa	– hausuð	74.0	1.351
	– flök, með roði og beinum	43.0	2.326
	– flök, roðflett með beinum	41.0	2.439
	– flök, með roði, beinlaus	41.0	2.439
	– flök, roðflett og beinlaus	39.0	2.564
Ufsi	– hausaður	80.0	1.250
	– flök, með roði og beinum	53.0	1.887
	– flök, roðflett, með beinum	50.0	2.000
	– flök, roðflett, án þunnilda með beinum	50.0	2.000
	– flök, roðflett og beinlaus	48.0	2.083
Karfi	– skorinn, „rauður“	55.0	1.818
	– skorinn, „orange“	55.0	1.818
	– flök, með roði og beinum	30.0	3.333
	– flök, með roði og beinlaus	28.0	3.571
	– flök, roðflett, með beinum	27.5	3.636
	– flök, roðflett og beinlaus	26.0	3.846
Grálúða	– hausuð	72.0	1.390
	– hausuð og sporðskorin	69.5	1.440
Koli	– hausaður	72.0	1.390

Þyngd afla er reiknuð út með því að margfalda þyngd afurðar með afurðastuðli. Eru stuðlarnir miðaðir við að reikna út þyngd slægðs fisks með haus en varðandi karfa er þó miðað við óslægðan fisk.

Fyrir þá frystitogara, sem fyrir gildistöku reglugerðar þessarar, hafa fengið sérstaka nýtingarstuðla eftir athugun hjá Rannsóknastofnun fiskiðnaðarins við framleiðslu á roðlausum og beinlausum þorski gilda þeir stuðlar í stað 37% stuðulsins hér að ofan.

4. gr.

Frá ársbyrjun 1991 skulu nýtingarstuðlar taka mið af nýtingarmælingum um borð í einstökum veiðiskipum, enda liggi fyrir fullnægjandi mælingar frá síðustu mánuðum ársins 1990 fyrir viðkomandi veiðiskip að mati ráðuneytisins. Liggi ekki fyrir mælingar frá síðustu mánuðum ársins 1990, skulu breytingar eigi taka gildi fyrr en 1. mars 1991 hjá viðkomandi skipi, enda liggi þá fyrir fullnægjandi nýtingarmælingar frá ársbyrjun 1991 til loka febrúar 1991.

5. gr.

Í fyrstu veiðiferð sem niðurstöður nýtingarmælinga fyrir árslok 1990 eru lagðar til grundvallar við ákvörðun nýtingarstuðla hlutaðeigandi veiðiskipa sbr. 1. málslíð 4. gr. skal meðaltal úr nýtingarmælingum vega 70% en nýting skv. 3. gr. 30%. Á sama hátt skal meðaltal úr nýtingarmælingum fyrir 1. mars 1990 sbr. 2. málslíð 4. gr. vega 50%, en nýting skv. 3. gr. 50% í fyrstu veiðiferð.

6. gr.

Eftir að nýtingarstuðull skv. 4.–5. gr. hefur verið fundinn og staðfestur af ráðuneytinu skulu niðurstöður nýtingarmælinga í hverri veiðiferð gilda 50% á móti fyrri nýtingarstuðli og mynda nýjan stuðul fyrir næstu veiðiferð. Slíkar breytingar ganga síðan fyrir sig án sérstakrar staðfestingar ráðuneytisins nema til breytinga á stuðlum komi skv. 11.–13. gr.

7. gr.

Fyrir skip þau sem hafa fengið sérstakan nýtingarstuðul skv. 3. mgr. 3. gr. gildir í upphafi árs 1991 meðaltal nýtingarmælinga á seinni hluta ársins 1990 70% en nýtingarstuðull, sem samþykktur hefur verið af ráðuneytinu á árinu 1990 30%. Eftir það gildir ákvæði 6. gr. um þessi skip.

8. gr.

Ef minna en 10 lestir af ákveðinni fisktegund í veiðiferð eru nýttar til framleiðslu á ákveðinni afurð sbr. 3. gr. hafa nýtingarmælingar þeirrar veiðiferðar ekki áhrif á nýtingarstuðul þeirrar afurðar. Sama gildir ef nýtingarmælingar við framleiðslu ákveðinnar afurðar eru færri en þrjár í veiðiferð.

Hafi veiðiskip áunnið sér ákveðinn nýtingarstuðul við framleiðslu ákveðinnar afurðar breytist sá stuðull ekki enda þótt framleiðsla sömu afurðar og mælingarfjöldi í seinni veiðiferðum sé undir þeim mörkum sem í 1. mgr. greinir.

9. gr.

Fyrir skip sem hefja vinnslu á afla um borð eftir 1. mars 1991, taka ekki gildi sérstakir nýtingarstuðlar fyrr en fullnægjandi gögn um nýtingarmælingar liggja fyrir frá hlutaðeigandi fiskiskipi að mati ráðuneytisins.

10. gr.

Veiðieftirlit sjávarútvegsráðuneytisins hefur eftirlit með framkvæmd mælinga og ber saman sýni úr aflanum og mælingar sem framkvæmdar eru um borð í veiðiskipinu. Skulu skýrslur um nýtingarmælingar sendar veiðieftirlitinu.

11. gr.

Sé nýtingarmælingum ekki sinnt um borð í veiðiskipi og afli yfir þeim mörkum sem í 8. gr. segir, þá skulu nýtingarstuðlar viðkomandi skips lækka um 1% frá gildandi stuðlum í hverri veiðiferð enda verði raunveruleg nýting ekki sannreynd skv. 13. gr. Sama gildir séu mælingar ekki í samræmi við leiðbeiningar sbr. 2. gr. eða þannig framkvæmdar að ráðuneytið geti ekki viðurkennt gildi þeirra.

12. gr.

Séu nýtingarmælingar vísitandi framkvæmdar þannig að þær gefi ranga mynd af raunverulegri nýtingu um borð í veiðiskipi skulu allir nýtingarstuðlar hlutaðeigandi skips lækka um 3% miðað við fyrri nýtingarstuðla skipsins eða stuðla skv. 3. gr., enda verði raunverulegir nýtingarstuðlar skipsins ekki sannreynDIR skv. 13. gr.

13. gr.

Komi í ljós við samanburð á skýrslum um nýtingu og sýnum teknum úr afla veiðiskips, að nýtingarstuðlar eru ekki í samræmi við framleiðslu skal ráðuneytið ákveða veiðiskipinu nýtingarstuðla með hliðsjón af niðurstöðu samanburðarins.

14. gr.

Komi til ákvörðunar ráðuneytisins á nýtingarstuðlum skv. 11.–13. gr. skal ráðuneytið tilkynna hlutaðeigandi útgerð um ákvörðun sína og gildir sá nýtingarstuðull fyrir þá veiðiferð sem athugun beindist að og sem 50% á móti nýtingarstuðli sem fæst í næstu veiðiferð sbr. 6. gr.

15. gr.

Séu mælingar með þeim hætti sem segir í 12. gr. þá getur ráðuneytið svipt viðkomandi veiðiskip heimild til fiskveiða í ákveðinn tíma. Sama gildir ef ítrekað þarf að beita ákvæðum 11. eða 13. gr. vegna nýtingarmælinga.

16. gr.

Brot á reglugerð þessari varða viðurlögum skv. ákvæðum laga nr. 3 15. maí 1990 um stjórn fiskveiða. Með mál út af brotum skal farið að hætti opinberra mála.

17. gr.

Reglugerð þessi er sett samkvæmt ákvæðum laga nr. 38, 15. maí 1990 um stjórn fiskveiða til að öðlast gildi 1. janúar 1991 og birtist til eftirbreytni öllum þeim sem hlut eiga að máli.

Sjávarútvegsráðuneytið, 10. desember 1990.

Halldór Ásgrímsson.

Jón B. Jónasson.

AUGLÝSING

um álagningarstofn fasteignaskatts.

Í samræmi við II., sbr. I. kafla laga nr. 91/1989, um tekjustofna sveitarfélaga, hefur Fasteignamat ríkisins samið skrár um álagningarstofn fasteignaskatts. Í skráum þessum er álagningarstofn fasteignaskattsins ákveðinn svo sem lög þessi mæla fyrir um og er hann tilgreindur fyrir hverja einstaka fasteign á landinu.

Fjármálaráðuneytið hefur staðfest heildareintak skrár um álagningarstofn fasteignaskatts eins og það hefur verið ákveðið með ofangreindum hætti. Skrár þessar munu liggja frammi til sýnis á skrifstofu Fasteignamats ríkisins, Borgartúni 21, Reykjavík, frá og með 1. janúar n.k. Jafnframt verður eigendum fasteigna send tilkynning um álagningarstofn fasteignaskatts með tilkynningu um nýtt fasteignamat, sbr. auglýsingu nr. 450/1990 um nýtt fasteignamat.